

МЕСЯЦА ЯНВАРЯ В 19^{БИИ} ДЕНЬ.

СЛУЖБА ПРЕПОДОБНОМУ ИГУМЕНУ САВЕ СТОРОЖЕВСКОМУ.

НА МАЛЕИ ВЕЧЕРНИ

стихиры, глас 1.

Подобен: Прехвалнии.

Отче Саво боговозлюбленне, / яко и Елисеи Илии святому Сергию повинуюся, / всем взирающим в лавре, / непорочное послушания зеркало был еси, / вне же ангельстии чини с радостию приницаху, / адстии же василиски от него тако повреждахуся, / яко и с рыданием восклицати им, / не к тому уже искушению сети препинаем ти. / От них же и нас избави святе молитвами си.

Отче Саво треблаженне, / ты яко кедр насадился еси / глубиною добродетелеи на горе Стороже, / ветви смирения прорастил еси, / чистоты плод Богу всеблагоуханныи плодоносил еси. / С ним же ныне завременная вечных в Небеси насыщаяся, / услади нас, / память твою всесладкую почитающих.

Отче Саво благоухищренне, / Небеснаго ты Учителя Духа Святаго / премудростию уцеломудрився, / вся мирская красования аки уметы вменил еси. / Единое же житие безмолвное аки утварь царьскую возлюбил еси. / Сего ради бегая мира, / аки молния в мире протекл еси / блистанием жестокаго жития. / Тем в Небесных ныне скиниях водворяясь, / просвещай и наша сердца светом ходатаиства твоею.

Слава, глас 5.

Аще бы горы и холми Сторожевския вещали, / не бы твоя, отче, / стража верна труды и поты умолчали: / в плоти бо аки безплотный жительствуя, / многая нечеловеческая, но ангельская деяния сотворил еси. / Бдения убо твоя всенощедневная кто исповесть! / Посты и моления с коленопреклоненьми кто исчислит! / По имени твоему воистинну и житие твое бяше. / Упокоил бо еси вся телесных страстей стремления и повинул еси, / яко хуждьяша духу лучшему, / отнюду же по всему изрядныи Духу Святому / орган от внутрь благосочинен, / духовная вся со слезами сеяи на земли, мудровал еси. / Тем же и на Небеси с радостию от Духа Царство Небесное пожал еси. / В нем же величеству Царя всех веков предьстоя, / испроси царю нашему одоление на супостаты, / яко же некогда князю Георгию на болгары испросил еси, / мир церквам и благолепие / и душам нашим велию милость.

И ныне, Богородичен.

На стиховне стихиры, глас 2.

Подобен: Дом Евфрафов.

К раце мощи твоих прибегаем вси, святе, / исцели наша страсти, / яко же исцелил еси / различныя многих болезни.

Стих: Честна пред Господем смерть преподобных его.

Что ти принесем, блаженне, / за твоя еже к нам щедроты! / Ничто же, разве слезную молитву. / Приими, отче, яко от сынов дар, / и испроси дати нам умиление.

Стих: Блажен муж, бояйся Господа.

Забрало Москве, / утвержение царствию, / всем грешным прибежище, / целуем мощи твоя честныя / устнами недостойными.

Слава, и ныне, Богородичен.

Многовидна волнения многовидных / смущении нападают на ны, / но ты, Пречистая, / со святым Савою от сих заступи нас.

Тропарь, глас 8:

Пустыни явился еси доброе прозябение, преподобне: / от юности бо изволи чистое житие, духовному си учителю последуя, и того учением ум к Небесным вперив, / и стаду своему премудр наставник показася. / Тем и Христос яко пресветлота свечилника чудеса обогати, / Саво, отче наш, моли спастися душам нашим.

Слава, и ныне. Богородичен:

Иже нас ради Рождейся от Девы, / и распятие претерпев, Благий, / испровергий смертию смерть, и Воскресение явлей, яко Бог, / не презри, яже создал еси рукою Твоею, / яви человеколюбие Твое, Милостиве, / приими Рождшую Тя Богородицу, молящуюся за ны, / и спаси, Спасе наш, люди отчаянныя.

и отпуст.

НА ВЕЛИЦЕИ ВЕЧЕРНИ.

На Господи возвах. Стихеры на 8, глас 6.

Подобен: Все упование.

Міра возненавидев, / Христа возлюбил еси, / Сиона мысленаго житель показася, / наставлением учителя своего совершенного послушания достиже, / многа искушения претерпел еси. / Божественным Духом себе вооружив к борению льстиваго, / радуяся, изшел еси и сего победил еси / силою от Девы восиявшаго.

От юности, преподобне, / плотская мудрования покорил еси / духови и в живоносную мертвость одеяся, / светильник блаженне, явися пресветлый, / благодатию Божественаго Духа истинен пастырь показася. / Словесною, Саво, цевницею собранное стадо о Христе добре / упасл еси / и на пажить / духовную возвел еси.

Зрети желая мысленую светлость / Божественаго обожения, / житие возжелев невестественое, / міра оставил еси, / пустыню достигл еси / и слезами сею напоил еси. / Желание улучи, еже ко Владыце своему предстояние, / и ныне священнолепно предстоиши, / со ангелы ликоствуя.

Ины стихеры, глас 8.

Подобен: О преславное.

От чистыя души твоя, / иноком наставниче, / прогнал еси квас злобы и лукавства ветхий, / и сокровище добродетелей стяжав, / возлюбил еси истины и чистоты безквасие, / им же, о чудо, чудотворную силу дал еси / чювственному пиемому квасу. / Квас бо твои, его же в угашение жажды пияше чюдодеиствуяи, / отверзает глухим ушеса и посвещение слепым, / тя чтущим, источает.

Возводя иноческая твоя очеса в гору, / был еси, преподобне, / велия добродетелей и благомыслия гора. / Кто бо крадущих исполни ужаса и прогна от Богородична храма. / Гора велия, от земных горы, / на ней же иноческих твоих подвигов течение совершися блазе, / яко непорочен рукама и чист сердем, / возшел еси на Небесную гору Господню, / на ней же веселяся, / моли о нас, всечестную память твою славящих.

Яко же во обители иноческой, / богосозданныи светильниче, / пресветлая души твоею свеща, / немрачным благочестия сиянием ношныи нечестия мрак разрешаше, / тако ныне на жертвенице Божии в Небесней церкви поставленная / и Божественным огнем запаленая / светосиятельными чудес лучами / разрешает мрачную тму духов темных и просвещает слепых, / с верою к тебе вопиющих. / Просвети и наша темная очеса.

Слава, глас 6, самогласен.

Иже по образу соблюди невредимо, / ума владыку на страсти пагубныя постнически поставив / и на подобьствие, яко же мощно, возшел еси, / мужески бо естество понудив, / потщался еси хуждшее покорити лучшему / и плоть поработи духу. / Тем же иноком явися наставник / и житель пустынный, / добре текущим обучитель, / правило добродетелеи известное. / И ныне на Небесех зеркалом разрешьшимся, / отче Саво, / чисте зриши святую Троицу, / сый посреде, / моля за чтущыя ты верою и любовию,

И ныне, Богородичен: Кто Тебе не блажит.

Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощся: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

Выход. Прокимен дню. Чтения 3.

От премудрости Соломони, чтение.

Праведници во веки живут, и от Господа мзда их, и строение их от Вышняго. Сего ради примут Царствие благолепия и венец доброты от руки Господни. Яко десницею покрывает их и мышцею защитит их. Приимет все оружие ревности его, и оружие сотворит тварь в месть врагом, облечется во броня правды и возложит шлем суд нелицемерен, приимет щит непобедим преподобие, поострит же напрасен гнев во оружие, споборет с ним мир на безумныя, и пойдут доброполучны стрелы молниины. И яко от благокругла лука облаков на намерение перут. И от пращ камень яростны исполнь, падут грады, вознегодует на них воды морьская, реки же потопять напрасно. И против станет им дух силы и, яко молния, разженет их, И опустит вся землю беззаконие, и злодеяние превратит престолы силных. Слышети убо, царие, и разумеите, и навикнете судеи концем земли, внушите держащей множества, и гордящиися о народах язык, яко дана бысть от Господа держава вам и сила от Вышняго.

От премудрости Соломони, чтение.

Праведных душа в руке Божии, и не прикоснется их мука. Непщевани быша воочию безумных умрети, и вменися озлобление исход их, и еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнь. И малом показани быша, великая воспримут. Яко Бог искуси их и обрете их достоинны Себе. Яко злато в горниле искуси их, и яко всеплодну жертву прелят их, и во время посещения их восияют, и яко искры по стеблию потекут. Судят языком и обладают людьми. И воцарятся в них Господь во веки. Надеющиися Нань разумеют истину, и вернии в любви

пребудут о Нем. Яко благодать и милость на преподобных Его, и посещение во избранных Его.

От Премудрости Соломони, чтение.

Праведник, аще постигнет скончаться, в покои будет. Старость бо честна немноглетна, ни в числе лет исчитается, седины же суть мудрость человеком, и возраст старости житие нескверно. Благоугоден Богови быв, возлюблен бысть и живый посреди грешник поставлен бысть, восхищен бысть, да не злоба изменит разума его или лесь прельстит душу его. Рачение бо злое губит добрая, и парение похоти пременяет ум незлобив. Скончався в мале, исполнит времена долга. Угодна бо бе Господеви душа ею. Сего ради потщася от среды лукавствия. Людие же видевшие и не разумеша, ни положиша в помышлении такового, яко благодать и милость на преподобных Его и посещение во избранных Его.

На литии, стихеры, глас 1.

На земли сыи богонасажденным при исходищих животных / вод древом благоплодныя сердца твоего, / розги животною напоил еси / покаянных слез водою, преподобне отче, / и духовныя возрастил еси велия кротости и смирения плоды. / Тем же вознесенныи на горную высоту блаженства / и насажденныи десницею Божию в раи Небеснем, / наслаждаешися нетленныя пищи / от животнаго древа Христа Бога. / Его же молиши прилежно о спасении душ наших.

Глас 2:

Прехвалне отче Саво, / храм древяныи Пречистеи Богоматери назидая, / наздал еси Сыну Ея Христу Богу в души твоеи храм всезлатыи, / многоценными украшенныи боголюбезных добродетелеи бисерьми. / Ими же, яко доблии купец, / у Небеснаго бисера Христа Бога купил еси в жилище тебе храм Небесныи. / В нем же живыи, ликуеши со ангельскими лики / и Пребезначальному Неботворцу молишися непрестанно о нас, / с любовью к тебе притекающих и тя усердно хвалящих. / Приемше Небесное слова семя, достохвалне отче, / в Небеснем источнице, Христе Спасе, / почерпл еси животныя благодати Духа Святаго воды, / и мысленную ими напоивше души твоя ниву, / изобилныя угобзил еси благих деяний класы, / с ними же в Небесную житницу вшед, / на трапезе ангельскои животнаго насыщаешися хлеба Христа Спаса / и нас Небесным питаеши заступления и благодати твоя хлебом, / им же мы наслаждающеся, тя, / Божию престолу предстояща, / молим, молися Христу Богу, спастися душам нашим.

В щит веры и шлем надежды облегся, / яко храбрыи Христов воин, / оружием постничества плотския победил еси страсти, / земныи и лестныи мир поправ, / последовал еси Небесному Вожду и адския сокрушил еси темных врагов полки. / Тем же, яко победоносец, в горнии град Сион вшед, / неувядаемым венчаешися венцем славы, / и победоносныя поя песни, / радуешися со ангельскими чинми, священне отче, / и молише Христа Бога, / да победит враги душ и телес наших.

Глас 3:

Дождем слезным плотский сластей житейских огонь погасив, / духовным любви Божия огнем распалил еси / твою богомысленую душу, / и озарив ю светлым добродетелей сиянием, / приступил еси к невещественному огню Вседетелю Богу, / и златозарными его благодатей лучами просветился, / просвещаеши тебе величающих. / Тем же в твой прехвалный праздник мы, / стегшеся, ты, преблаженне отче, / величаем и усердно молим, / светом твоея благодати просвети душа наша.

Слава, глас 4:

Терпения столб непоколебимый, / ясное чистоты зеркало, / богописанный кротости образ, / и в церковном саде был еси, / преблаженне отче, / плодоносная маслина, / духовная родящая масло. / Тем же в Небесном саде насажденный питаешься / Божественным вечных радости маслом / и прозябаеши нам благовонные исцеления цветы, / ими же исцеляются всякия недуги душ и телес наших.

И ныне, Богородичен.

Призри на моления Твоих раб, / Всенепорочная, / утоляющи лютая на ны востания, / всякия скорби нас изменяющи. / Ты бо Едину, твердое и известное Утверждение имамы, / и Твое предстательство стяжахом, / да не постыдимся, Владычице, / Ты призывающи, / потщися на умоление Тебе верно вопиющих: / радуйся, Владычице, / всех Помоще, / Радосте и Покрове, / и Спасение душ наших.

На стиховне стихиры, глас 4:

Подобен: Яко добля.

Божиею силою укрепляем, / мысль свою горе возвышая, / Небесное наследие, отче, приял еси. / И на земли благочестно собранного ти стада чада упасл еси, / доблим своим нравом, / и равноангельным житием, / Духа светлостями святыми осияваем, / о всех присно молися, / творящих священную память твою.

Стих: Честна пред Господем смерть преподобных его.

Желая улучшить Небесную доброту, / на земли, яко бесплотен, отче, подвизася. / Имыи пособие непобедимо, / силу Владыки своего, / над страстями воцарися / и ныне Вечному Цареву предстоиши. / Его же моли, Саво преподобне, / спасися душам нашим.

Стих: Блажен муж, бояся Господа, в заповедех Его восхоцет зело.

Житие твое благочестно добродетельми украшено. / Правдою, яко Божественным венцем, одеаяся, / Владычню Престолу предстоиши, / со ангельскими ликуя воинствы. / Сего ради ты в песнях почитаем. / Саво преподобне, отче наш, / моли спасися стаду твоему от всех искушений.

Слава, глас 8:

Инок множества наставника тя чем, / отче наш Саво. / Тобою бо путь воистину правый ходити познахом. / Блажен еси, яко Христу работав, / и вражию обличил еси силу. / Ангелом собеседниче / и преподобным единокровне и праведным. / С ними же молися Господеви, помилуватися душам нашим.

И ныне, Богородичен: Безвестная Дево.

Безвестная Дево, / Яже Бога неизреченно зачещи плотию, / Мати Бога Вышняго, / Твоих рабов мольбы приими, Всенепорочная, / всем подающи очищение прегрешений: / ныне наша моления приемлющи, / моли спастися всем нам.

Тропарь, глас 8:

Пустыни явился еси доброе прозябение, преподобне: / от юности бо изволи чистое житие, духовному си учителю последуя, и того учением ум к Небесным впери, / и стаду своему премудр наставник показася. / Тем и Христос яко пресветла тя светильника чудесы обогати, / Саво, отче наш, моли спастися душам нашим.

Слава, и ныне. Богородичен:

Иже нас ради Рождейся от Девы, / и распятие претерпев, Благий, / испровергий смертью смерть, и Воскресение явлей, яко Бог, / не презри, яже создал еси рукою Твоею, / яви человеколюбие Твое, Милостиве, / приими Рождшую Тя Богородицу, молящуюся за ны, / и спаси, Спасе наш, люди отчаянныя.

НА УТРЕНИ.

По 1-м стихологии седален, глас 4:

Законно устроив свою жизнь, / страстная възграна до конца увядил еси. / Победы венец от Бога прият, / Саво, отче наш, / моли спастися душам нашим. **Дважды.**

Слава, и ныне, Богородичен:

В кров Твои, Пречистая Дево, / прибегающих, / молитву приемши от нас, / не престаи молящи Человеколюбца / спастися рабом Твоим,

По 2-м стихологии седален, глас 1:

Совершеную к Богу любовь стяжал еси, отче, / земная преобидев, / к Небесным возшел еси, радуясь. / Венченосче преблаженне, / моли Христа Бога спастися душам нашим. **Дважды.**

Слава, и ныне, Богородичен:

Упование християном, Пречистая Дево, / Его же родила еси паче ума и слова, / непрестанно моли с вышними силами, / дати оставление грехов всем / и исправление житию / верою и любовию / присно Тя славящим.

По полиелеосе, седален, глас 8:

Владыце Христу во всем, отче Саво, / угодил еси, / и своего царства с наследника ты сотвори. / И по своем преставлении честныя твоя мощи / источают различная исцеления. / Тем же вопием ти, / моли спастися душам нашим. **Дважды.**

Слава, и ныне, Богородичен:

От всякого прещения / и озлобления человек спаси нас, / Пресвятая Дево. / Тебе бо имамы Покров и Заступление / прибегающи к Тебе, Богомати, / и рожденнаго ис Тебе Бога нашего, / Его же моли / избавитися от бед рабом Твоим.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящий Сиона, / посрамится от Господа, / яко трава бо огнем / будете изсохше.

Слава И ныне: / Святым Духом / всяка душа живится, / и чистотою возвышается, / светлеется Троическим Единством священнотайне.

Прокимен глас 7:

Прокимен: Честна пред Господем смерть * преподобных его.

Стих: Что воздам Господеви о всех, их же воздаст ми.

Евангелие от Матфея, зачало 43.

Рече Господь: Всѣ мнѣ преданѣ сѣть оцѣмъ моимъ: и никтоже знаетъ сѣа, токмо оцъ: ни оцъ кто знаетъ, токмо сѣъ, и емѣже ѣще волюетъ сѣъ ѿкрыти. Прїидите ко мнѣ вси трѣждающїи се и ѡвремененїи, и азъ оупокѡю вѣ: возмите ѣго моє на себѣ и научитесе ѿ мене, ѣкѡ крѡтокъ есмь и смиренъ срѣцемъ: и ѡвращаете покрѡи дѡшамъ вѣшымъ: ѣго во моє вѣго, и времѣ моє легко есть.

По 50-м псалме стихера, глас 2:

Преподобне отче, / изъмлада в добродетели прележно постився, / сосуд бысть Святаго Духа, / тем и преем чудес действо. / Научил еси человеки преобидети сладких. / И ныне Божественным светом осияваем / просвети наша разумы молитвами си, / Саво, отче наш.

Канон Богородице на 6 и святому на 8.

Глас 6.

Песнь 1, ирмос.

Ирмос: Яко по суху пешествовав Израиль, / по бездне стопами, / гонителя фараона / видя потопляема, / Богу / победную песни / поим, вопияше.

Настави мя, Господи Боже мои, да возмогу благочестно угодника Твоего, преподобнаго Савы, славное и честное восхвалити торжество.

Мужески подвизася и зарю духовную восприем, взятся к высоте Небесней и ныне со ангелы прославляешися.

Оружием крестным ограждаем, преподобне, всю силу сопротивнаго победил еси и до конца сего без вести сотвори.

Богородичен. Пресущное Слово, существо прием от чистых кровеи Твоих, богосодела нас, ис тления избави, Чистая. Сего ради Тя присно славим.

Песнь 3.

Ирмос: Нестъ свят, / якоже Ты, / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего

Молчанием язык обуздал еси и немятежным житием во плоти ангельски, отче, пожил еси.

Воистину, благия жизни сподобися, преподобне, чистотою и пощением сию обрет. И ныне со бесплотными вопиеши: несть свята, паче Тебе, Господи.

Трисиянным светом озарен, и благодать Духа Святаго вселися в тя, преподобне, возлюбльши чистую твою душу. И непрестанно вопиеш: несть свята, паче Тебе, Господи.

Богородичен: Разумети Рожества Твоего, Чистая, неизглаголанную глубину недоумет ум человек. Бог бо изливав себе за милосердие во утробе Твоеи, всего мя обнови.

Седален, глас 4:

Мраз нощный претерпел еси и тяготу вара дневнаго понесе, и сих ради вечное наслаждение и пищу присноживущую восприял еси, Христов угодниче, блаженне Саво. Моли спастися душам нашим. **Дважды.**

Слава, и ныне, Богородичен:

Чистая, Всенепорочная и Неискусобрачная, Яже едина безлетнаго Сына и Слова Божия в лета породьши, Сего со святыми и честными патриархи, с мученики и пророки, и преподобными, моли даровати нам очищение и велию милость.

Песнь 4. Ирмос:

Ирмос: Христос моя сила, / Бог и Господь, / честная Церковь / благолепно поет, вызываючи, / от смысла чиста / О Господе празднуючи.

Безмерное смирение возлюбив, своєю мысли зрительное очистил еси. И ныне в раиских селениих водворяся, вопиеш: слава силе Твоеи, Господи.

Слезьными потоки, преподобне, землю сердца своего напоил еси, предстоя в молитве непоколеблем, Творцу всех взываше: слава силе Твоеи, Господи.

Не забуди стадо Твое, преподобне, еже мудре собрал еси и в жизни сеи упасе благочестно. Потщися, отче наш Саво, привлещи во ограду Небесную.

Богородичен: Чистоте жилище, селение Владыке всех и пророком всем събытие, Богорадованная Чистая, поющья Тя ущедри.

Песнь 5. Ирмос:

Ирмос: Божиим светом Твоим Блаже, / утренюющих Ти души / любовию озари, молюся: / Тя ведети, Слове Божий, / Истиннаго Бога, / от мрака греховнаго / вызывающа.

Бодренными бдении, блаженне, и частыми воздыхании благодать Духа возрасте в тебе, отче, и славна тя, Саво, показа.

Владычне смирение восприим, воду почерпая, на раму своєю носити изволил еси, начальника трудоположна во всем себе показал еси.

Преблаженне богоприятне отче наш Саво, непрестанно стадо твое вопиет ти, молитвами си ко Господу спаси нас, молимся.

Богородичен: По рождении страшнем пребысть Девою, яко же прежде. Бог бе рождеися, устрои вся волею, Безневестная Марие Богоблагодатная.

Песнь 6. Ирмос:

Ирмос: Житейское море / воздвигаемое зря / напастей бурюю, / к тихому пристанищу Твоему притек вопию Ти: / возведи от тли живот мой, / Многомилостиве.

Страдании подвиг твоих, преблаженне, клас Божественныи возрастил еси и питаеши благочестно восхваляющих тя, Саво преподобне, отче наш.

Княжо прошение, отче, со тщанием исполняя, храм Богоматере воздвиже. В нем же праздничною радостию инок множества веселятся, память твою прославляюще.

Каплями потов твоих, преподобне, врагов ополчения попрал еси и достигл еси ангельския невещественныя лики.

Богородичен. Всеблагая Владычице, Яже Преплагаго Бога плотию рождьши, озлобленное страстьми мое сердце очисти, да верою и любовию величаю Тя.

Кондак, глас 2:

Господним желанием распалився, / страсти плотския воздержанием отряс, / Божественаго света незаходимое светило явися. / Чюдес лучами всех просвещаеши, / притекающих к раце мощи твоих, / Саво преподобне, отче наш.

Икос: Всесилное Духа Святаго деиство боговидно в тя вселися, и боголепными мановениии благотечне идыи в горе, идеже хотяше обитель воздвигнути. И якоже Небесныи рай, благовонными насажден цветы, сию обрет, вселился еси и храм Богоматере чуден воздвиже, инок множество собрал еси. И сих добродетельными деянии светло облистая, воздержаниии мудростная вообраз. И ныне в память твою спедьшесея, вопием ти: моли о нас, Саво преподобне, отче наш.

Песнь 7. Ирмос:

Ирмос: Росодательну убо пещь содела ангел / преподобным отроком, / халдеи же опаляющее веление Божие мучителя увеща вопити: / благословен еси Боже отец наших.

Пучиною слез твоих, пребогате, злоначальнаго змия потопил еси. Яко победоносец изряден, к Небесным возлетел еси, непрестанно вопиеши: благословен Бог отец наших.

Житие незлобиво имел еси и непорочно, и украшено поты страдания прехвалне, Божественаго светолития исполнь, взываше: благословен Бог отец наших.

Хвалится, преподобне, град твои, яко венцем царским обложися. Имея мощи твоя в себе, яко добра гражданина от Бога приял ест.

Богородичен: Препетая Дево, Препетаго Бога порождьшая, поющыя Тя причастники покажи света и избави геены огня и всякого вреда вражия молитвами Твоими.

Песнь 8. Ирмос:

Ирмос: Из пламене преподобным росу источил еси, / и праведнаго жертву водою попалил еси: / вся бо твориши Христе, токмо еже хотети. / Тя перевозносим во вся веки.

Мудрование плотское умертвил еси, чести имения совлечеса, от земли к небесным възгги тщася и всех пети научая: Господа поите и перевозносите его во веки.

Сердца своего бразды, отче Саво, мудре возделал еси, слезными тучами сия напоил еси. И благоуханно мвро принесеса Христови. Ему же вопиеши: Господа поите и перевозносите Его во веки.

Христове принося, блаженне, пощение и слезы, и непорочную молитву, ризную лепоту и мяккия одежды власяными рубы применил еси, сим показуя глубочайшее смирение.

Богородичен: Избавльшеса первыя клятвы Рожеством Ти, Всеблагословенная Отроковице Богорадованная, Гавриилов Тебе глас возсылаем: радуися, виновная всех спасению.

Песнь 9. Ирмос:

Ирмос: Бога человеком не возможно видети, / на Негоже не смеют чини ангельстии взирати: / Тобою же Всечистая, / явися человеком слово Воплощенно, / Егоже величающе, / с небесными вои / Тя ублажаем.

Видети славу Вседержителя желая, обновил еси души крепость и славою обогатися Небесною. Честное украшение благодати, отче преподобне Саво, испроси державному царю нашему во бранех крепость и здравие телеси, яко да непрестанно тя величаем.

Чини ангельстии тебе, отче, сretoша, и праведных соборе возвеселишася. И от Вседержительныя десницы Владычни венчася, тем же ты достойно величаем.

Богородичен: Светом Твоим мя, Богорадованная в женах Дево, просвети, молюся, и огня вечнаго избави мя, яко да величаю Тя, яко да подолгу воспою величие Ти.

Светилен:

Помыслом лучшим страсти удержав, и бесом шатания разорил еси. И ныне со дерзновением предстоя Христове, молися о стаде своем, отче наш.

Богородичен:

С Богом на Тя уповаем, Пречистая, Иже ис Тебе прошедшему сраспинаеми Христу своими, иже к нему мольбами невредимы до конца нас сохрани.

На хвалитех стихеры на 4, глас 8. Самогласны:

Божественною силою одеаяся, / умертвив себе мірови, / житие непорочно пожив преславне, / единожитель Сергию / божественному был еси.

Чистоты сосуд показася, / исцелением зари облистал еси, / постником удобрение, / инокующим похвала, / Саво преподобне, отче наш.

Умертвив себе мірови, / жизнь равноангельну на земли пожил еси, / и яко дар освящен Владыце, / преподобне, свою душу, Саво, принесл еси, / исцелением зари облистал еси, / и Божественаго царствия достойно получил еси. / Моли спастися душам нашим.

Светлое и богоугодное житие твое, / яко свет, воистину, на земли показася. / Божественую видети светлость, Саво, сподобися, / тем же и видимая вся оставил еси / и Непостижимаго зрети сподобися. / Его же моли, преподобне, спастися душам нашим.

Слава, глас 6:

Преподобне отче Саво, / во всю землю изыде вещание исправлении твоих. / Тем же на Небесех / обретем мзду трудов своих. / Демоньския разорил еси / полки и ангельския достигл еси чины, / их же житию бес порока поревновал еси. / Дерзновение имея ко Господу, / мир испроси душам нашим.

И ныне, Богородичен:

Богородице, Ты еси лоза истинная, / возрастившая нам Плод живота, / Тебе молимся: молися, Владычице, / со святыми апостола, / помиловати души наша.

Славословие великое и отпуст.

НА ЛИТУРГИИ.

Блаженна, песнь 3 и 6-я.

1. Молчанием язык обуздал еси и немятежным житием во плоти ангельски, отче, пожил еси.
2. Воистину, благия жизни сподобися, преподобне, чистотою и пощением сию обрет. И ныне со бесплотными вопиеш: несть свята, паче Тебе, Господи.
3. Трисиянным светом озарен, и благодать Духа Святаго вселися в тя, преподобне, возлюбльши чистую твою душу. И непрестанно вопиеш: несть свята, паче Тебе, Господи.
4. Разумети Рожества Твоего, Чистая, неизглаголанную глубину недоумет ум человек. Бог бо изливав себе за милосердие во утробе Твоеи, всего мя обнови.
5. Страдании подвиг твоих, преблаженне, клас Божественный возрастил еси и питаеши благочестно восхваляющих тя, Саво преподобне, отче наш.
6. Княжо прошение, отче, со тщанием исполняя, храм Богоматере воздвиже. В нем же праздничною радостью инок множества веселятся, память твою прославляюще.
7. Каплями потов твоих, преподобне, врагов ополчения поправ еси и достигл еси ангельския невестественыя лики.
8. Всеблагая Владычице, Яже Преплагаго Бога плотию рождыши, озлобленное страстьми мое сердце очисти, да верою и любовию величаю Тя.

Тропарь, глас 8:

Пустыни явился еси доброе прозябение, преподобне: / от юности бо изволи чистое житие, духовному си учителю последуя, / и того учением ум к Небесным впери, / и стаду своему премудр наставник показася. / Тем и Христос яко пресветла тя светилника чудесы обогати, / Саво, отче наш, моли спастися душам нашим.

Кондак, глас 2:

Господним желанием распалився, / страсти плотския воздержанием отряс, / Божественнаго света незаходимое светило явися. / Чюдес лучами всех просвещаеши, / притекающих к раце мощи твоих, / Саво преподобне, отче наш.

Прокимен глас 7:

Прокимен: Честна пред Господем смерть * преподобных его.

Стих: Что воздам Господеви о всех, их же воздаст ми.

Апостол, к галатам. Зачало 213.

Братіе: Не бываимъ тщеславни, дрѣгъ дрѣга раздражающе, дрѣгъ дрѣгѣ завидюще. **Братіе,** ѡце и впадѣтъ чловѣкъ въ нѣкое прегрѣшеніе, вы дѣховни исправляйте таковогѣ дѣхомъ кротости: блюдыи себѣ, да не и ты искѣшенъ вѣдѣши. **Дрѣгъ дрѣга** тѣлѣны носите, и тѣкъ исполните законъ хрѣтовъ.

Аллилуия, глас 6: Блажен муж, бояйся Господа, в заповедех Его восхоцет зело.

Стих: Сильно на земли будет семя его.

Евангелие от Матфея, зачало 43.

Речѣ Господѣ: Всѣ миѣ предана сѣтъ оцѣмъ моимъ: и никтоже знаетъ сѣа, токмо оцѣ: ни оцѣа кто знаетъ, токмо сѣа, и емѣже ѡце волитъ сѣа ѡкрыти. **Прїидите** ко миѣ вси трѣждающїи се и ѡвремененни, и азъ оупокѣю вы: возмите иго моѣ на себѣ и научитеса ѡ менѣ, ѡкъ кротокъ есмь и смиренъ срѣцемъ: и ѡвращаете покоемъ дѣшамъ вѣшымъ: иго во моѣ благо, и время моѣ легко естъ.

Причастен: В память вечную будет праведник.